

# Кружковцир — производствин нүүрт йовцхана

Яшкульск района «Лиман-ный» совхозин эклц партийн организацин КПСС-н туудж даслгъна кружок сургъулин джилин программиг төгсэггъад, дигинь кехд белдджанă. Эн кружок джилин туршарт таслвр угагъар саянар кодлджав.

Майин эклц къртл кружокд 28 занягъ кегдв. Кружокин сонъсачнр шундж, арднъ ордж сургъулян дасна болн пропагандист үр П. В. Хомутниковин саянар кодлсан ашднъ кодлм бурдăмджтă, идейн оодан кирцятă кевар кегдв.

Сургъулин джилин тюрүн брăлднъ кружковцир «Алдр Октябрьск социалистическ революцин 40-ч джилин оонă туск» тезисмуд, СССР-н Деед Советин оонă сессийин материалмуд, КПСС-н ЦК-н декабрьск Пленумин шиидврмуд дасцхав. Эн материалмуд одгă цагт кунцагддж йовх кодлмшлă делгү ирлцдж йовх учар, сонъсачнрт ик тааста болдж, саянар тодрягъар меддж авхднъ тюрвр уга болв.

Эн джилин эклцас авн кружокд КПСС-н туудж даслгън эклсмн. Сонъсачнрин дурар,

партийн тууджиг даслгън Октябрьск революцин хootк цагин тууджас авн эклдж кегдв. Советск йосиг токтагъад, батлхин толă, социализм мана орн-нутгт тосхкин толă Коммунистическ партин кедж йовсн болн кедж йовх ноолдана туск тууджиг кружковцир саянар дасцхав.

Кружокин занягъ болгън сонън кевар, сонъсачнр шунмгъагъар орлцдж кегдджав. Кружокд сурча 19 кун даньгин занягъ дуталго ирхадж, шундж дасцхав. Пропагандист үр Хомутников занягъ кехдан урдаснъ саянар белддж, тодрха конспект бичдж авад, кружковцирт саянар медгдхар кенă. Кружковцир бийснъ куйндврт шунмгъагъар орлхиг кунцхд пропагандист ик оньган бас тавнă.

Кружокин сонъсачнрин медрлнъ ооснъ, эдн нургълдж агитатормуд болдж саянар кодлдж йовхас узгднă. кружковцир политическ медрлнъ оодлулсн дееран производствени кодлмшан икар ясурулдж йовхнъ узгднă. Энугинь ик сан темдгтă динлвр гидж тоолх кергтă.

КПСС-н членă кандидат үр В. И. Губарев эн кружокд дасна. Эн — совхозин нег сан агитатор. Энунă гардджах тракторн бригад совхозд тюрүн болдж майин нег шинд эрднишишă тарлгнă зурагъан кунцав, зурагъасн давулад 85 гектар ода тарчкв. КПСС-н член үр Б. Г. Очиров 100 нааднр хон болгънас 110 хургъ авб. Тракторист үр Репинцев — шунмгъа кружковцирин негнъ, хаврин таранă кодлмшт эн одр болгън производствени зурагъан 140-180 процент кургдж кунцадж йовна. Кружковцир уурмуд М. В. Ходжгорова, Цымбалов болн нань чигн кодлмштан бас ик кунцвр бардж йовхнъ темдгтă.

Майин чилгчар кружокд дигин занягъ кегдхмн. Ода пропагандист болн сонъсачнр энунд белдвр кеджăцханă. Дигин занягъд кружковцир авсн медрлнъ ягъдж батлсан узулцхăх, сургъулин джилин эргцд сурсан, дассан олзлдж олт-амтнд политическ цаалгъврин кодлмш цаарандан делгрулхд орлцдж чадцхав.

В. АЛЕКСАНДРОВ.